

# Y Pwyllgor Cyfrifon Cyhoeddus

---

Lleoliad: **Ystafell Bwyllgora 3 – y Senedd**

---

Dyddiad: **Dydd Mawrth, 16 Medi 2014**

---

Amser: **09.00 – 10.43**

---

Cynulliad  
Cenedlaethol  
Cymru

National  
Assembly for  
Wales



Gellir gwyllo'r cyfarfod ar [Senedd TV](http://senedd.tv) yn:  
<http://senedd.tv/cy/2457>

---

## Cofnodion Cryno:

### Aelodau'r Cynulliad:

**Darren Millar AC (Cadeirydd)**  
**William Graham AC**  
**Mike Hedges AC**  
**Alun Ffred Jones AC**  
**Julie Morgan AC**  
**Jenny Rathbone AC**  
**Aled Roberts AC**  
**Sandy Mewies AC**

### Tystion:

### Staff y Pwyllgor:

**Michael Kay (Clerc)**  
**Claire Griffiths (Dirprwy Clerc)**  
**Joanest Varney-Jackson (Cynghorydd Cyfreithiol)**  
**Emma Giles (Swyddfa Archwilio Cymru)**  
**Steve Martin (Swyddfa Archwilio Cymru)**  
**Mike Usher (Swyddfa Archwilio Cymru)**  
**Matthew Mortlock (Swyddfa Archwilio Cymru)**  
**Michael Palmer (Swyddfa Archwilio Cymru)**  
**Martin Peters (Swyddfa Archwilio Cymru)**  
**Andy Phillips (Swyddfa Archwilio Cymru)**

---

---

## TRAWSGRIFIAD

Gweld [trawsgrifiad o'r cyfarfod](#).

### 1 Cyflwyniadau, ymddiheuriadau a dirprwyon

1.1 Croesawodd y Cadeirydd yr Aelodau i'r Pwyllgor.

### 2 Papurau i'w nodi

2.1 Nodwyd y papurau yn amodol ar y camau gweithredu canlynol:

- Cofnodion y cyfarfod blaenorol (15 Gorffennaf 2014): Gofynnodd Sandy Mewies i'w datganiad fel cymrawd o Brifysgol Glyndŵr gael ei nodi.
- Gofal heb ei drefnu: Llythyr gan y Gweinidog Iechyd a Gwasanaethau Cymdeithasol (24 Gorffennaf 2014): Cytunodd y Pwyllgor i ailystyried agweddau ar y mater hwn yn gynnar yn 2015.
- Ymdrin â'r Heriau Ariannol sy'n wynebu Llywodraeth Leol mewn Llywodraeth Leol: Llythyr gan June Milligan (22 Gorffennaf 2014): Cytunwyd y byddai'r Cadeirydd yn ysgrifennu at y Gweinidog dros Wasanaethau Cyhoeddus yn gofyn am ei safbwynt ar bartneriaethau cydweithredol, ad-drefnu awdurdodau lleol a chostau cysylltiedig.
- Trefniadau Llywodraethu Bwrdd Iechyd Prifysgol Betsi Cadwaladr: Llythyr gan Dr Peter Higson (29 Gorffennaf 2014): Cytunwyd y byddai'r Cadeirydd yn ysgrifennu at yr Is-gadeirydd yn BIPBC yn gofyn am ragor o wybodaeth ynghylch gwelliannau sy'n ymwneud â heintiau sy'n gysylltiedig â gofal iechyd. Byddai trefniadau llywodraethu'n cael eu hystyried yn ddiweddarach yn y tymor a BIPBC yn cael ei ailystyried yn 2015.
- Rheoli Grantiau yng Nghymru: Llythyr gan Syr Derek Jones (11 Awst 2014): Cytunwyd y byddai'r Cadeirydd yn ysgrifennu at yr Ysgrifennydd Parhaol yn gofyn a oes modd rhannu gyda'r Pwyllgor unrhyw ystyriaeth bellach o'r materion sy'n codi o achos AWEMA gan fod yr achosion troseddol bellach wedi dod i ben.

2.1 Gofal heb ei drefnu: Llythyr gan y Gweinidog Iechyd a Gwasanaethau Cymdeithasol (24 Gorffennaf 2014)

2.2 Ymdrin â'r Heriau Ariannol sy'n wynebu Llywodraeth Leol mewn Llywodraeth Leol: Llythyr gan June Milligan (22 Gorffennaf 2014)

2.3 Trefniadau Llywodraethu Bwrdd Iechyd Prifysgol Betsi Cadwaladr: Llythyr gan Dr Peter Higson (29 Gorffennaf 2014)

2.4 Memorandwm ar gyfer Swyddog Cyfrifyddu Swyddfa Ombwdsmon Gwasanaethau Cyhoeddus Cymru: Llythyr gan Ombwdsmon Gwasanaethau Cyhoeddus Cymru (4 Awst 2014)

2.5 Rheoli Grantiau yng Nghymru: Llythyr gan Syr Derek Jones (11 Awst 2014)

2.6 Cyllid addysg uwch: Llythyr gan Swyddfa Archwilio Cymru at Mike Hedges AC (15 Awst 2014)

2.7 Trefniadau cyflenwi ar gyfer absenoldeb athrawon: Llythyr gan y Gweinidog Addysg a Sgiliau (20 Awst 2014)

### **3 Pobl ifanc nad ydynt mewn addysg, cyflogaeth na hyfforddiant**

3.1 Cytunodd y Pwyllgor y dylai'r Cadeirydd ysgrifennu at William Graham fel Cadeirydd y Pwyllgor Menter a Busnes i rannu ymateb Llywodraeth Cymru a nodyn yr Archwilydd Cyffredinol er mwyn cynorthwyo eu hymchwiliad. Bydd y llythyr yn pwysleisio pryderon y Pwyllgor ynglŷn â chyfran y bobl ifanc a ystyrir i fod yn NEET yn y grŵp oedran 19-24 oed ynghyd â phryderon ynghylch casglu a rhannu data. Gofynnodd y Pwyllgor am y wybodaeth ddiweddaraf gan y Pwyllgor Menter a Busnes pan fydd wedi cwblhau'i waith a bydd y Pwyllgor wedyn yn ystyried ymhellach a yw'n dymuno ymgymryd ag unrhyw waith ei hun ar y mater hwn.

### **4 Y Bil Llesiant Cenedlaethau'r Dyfodol (Cymru)**

4.1 Ystyriodd y Pwyllgor y llythyr gan Archwilydd Cyffredinol Cymru a chytunwyd y dylai'r Cadeirydd ysgrifennu at Alun Ffred Jones fel Cadeirydd y Pwyllgor Amgylchedd a Chynaliadwyedd, gyda chopi'n cael ei anfon at y Gweinidog Cyfoeth Naturiol, gan ofyn bod y pwyntiau a godwyd gan yr Archwilydd Cyffredinol sy'n ymwneud â'i bwerau a chyfrifoldebau yn cael eu hystyried wrth i'r Pwyllgor graffu ar y Bil.

### **5 Gwasanaeth Awyr oddi mewn i Gymru – Caerdydd i Ynys Môn: Trafod yr ymateb gan Lywodraeth Cymru**

5.1 Ystyriodd y Pwyllgor ymateb Llywodraeth Cymru a chytunwyd y dylid ceisio cael diweddariad yng ngwanwyn 2015. Erbyn hynny, dylai'r cytundeb newydd fod wedi cael ei ddyfarnu. Cytunodd y Pwyllgor hefyd y dylai'r Cadeirydd, yn y cyfamser, ysgrifennu at Lywodraeth Cymru yn gofyn iddi rannu'r wybodaeth y mae'n gallu gyda'r Pwyllgor ynglŷn â chwmpas, cynnwys, methodoleg ac amserlen adolygiad ARUP yn ogystal â'r ddogfen dendro ar gyfer y gwasanaeth awyr.

### **6 Cynnig o dan Reol Sefydlog 17.42 i benderfynu gwahardd y cyhoedd o'r cyfarfod ar gyfer y busnes canlynol:**

6.1 Derbyniwyd y cynnig.

### **7 Glastir: Sesiwn friffio gan Swyddfa Archwilio Cymru**

7.1 Cyflwynodd staff Archwilydd Cyffredinol Cymru sesiwn friffio ar yr adroddiad ar Glastir. Cytunodd y Pwyllgor i ofyn am ymateb gan Lywodraeth Cymru a fydd yn cael ei rannu gyda'r Pwyllgor Amgylchedd a Chynaliadwyedd. Bydd y Cadeirydd yn ysgrifennu at Gadeirydd y Pwyllgor Amgylchedd a Chynaliadwyedd gan gynnwys ymateb Llywodraeth Cymru, pan ddaw i law.